

Termt e Referencës

Organizata	HANDIKOS (Shoqata e Paraplegjikëve dhe e Paralizës së Fëmijëve të Kosovës)
Qëllimi i Angazhimit	Përplimi i raportit mbi arritjet kryesore të HANDIKOS në mbrojtjen e fëmijëve
Tipi	Individuale
Lokacioni	Prishtinë, Kosovë
Kohëzgjatja	Prill – Maj 2021
Data e pritshme e fillimit	23 Prill 2021

HANDIKOS

HANDIKOS, organizatë jo qeveritare, e themeluar më 1983 me objektivin kryesor për të arritur njohjen dhe pjesëmarrjen e plotë të personave me aftësi të kufizuara në shoqëri. HANDIKOS aktivisht lobon për dhe mbron në nivel lokal dhe qendror të drejtat e personave me aftësi të kufizuara me dhe për personat me aftësi të kufizuara në Kosovë. Përgjatë gjithë përvojës së saj, HANDIKOS ka përfaqësuar dhe adresuar nevojat e fëmijëve dhe të rriturve me aftësi të kufizuara përmes ofrimit të shërbimeve rehabilituese fizikale dhe atyre psiko-sociale, për më tepër përmes ofrimit të pajisjeve ndihmëse për ata në nevojë. HANDIKOS vazhdon të punoj me dhe për personat me aftësi të kufizuara, duke ngritur kapacitetet e anëtarëve të saj në fusha të ndryshëm të cilat shpjen drejt jetesës së pavarur.

HANDIKOS që nga viti 2017 është duke implementuar projektin “Promovimi i parandalimit të dhunës në të gjitha mjediset ndaj fëmijëve me aftësi të kufizuara në Kosovë” në partneritet me Save the Children, zyra në Kosovë dhe me financim të SIDA, me qëllim të kontribimit të ndërtimit të një ambienti më të sigurt dhe gjithëpërfshirës për fëmijët me aftësi të kufizuara në Kosovë.

Përmirësimi i cilësisë së politikave dhe praktikave të sistemeve gjithëpërfshirëse të mbrojtjes së fëmijëve dhe rritja e vetëdijes dhe bashkëveprimit ndër-sektorial ndërmjet komunitetit dhe ofruesve të shërbimeve për të parandaluar dhe përgjigjur rasteve të dhunës në të gjitha mjediset në Kosovë; dhe Promovimi i përgjegjësisë sociale e orientuar tek fëmijët si dhe pjesëmarrja e fëmijëve për përmirësimin e gjithëpërfshirjes së fëmijëve me aftësi të kufizuara si dhe në ofrimin e shërbimeve profesionale dhe adekuate për ta, janë dy objektivat kryesore në kuadër të këtij projekti.

Qëllimi i përgjithshëm i konsulencës

Si organizatë që punon në përkrahje të personave me aftësi të kufizuara, HANDIKOS synon garantimin e të drejtave të fëmijëve me aftësi të kufizuara, ndër të tjera edhe mbrojtjen e tyre nga dhuna dhe çdo formë e abuzimit, si një e drejtë themelore. Që nga viti 2017, në kuadër të projektit “Promovimi i parandalimit të dhunës ndaj fëmijëve me aftësi të kufizuara në të gjitha

mjediset” HANDIKOS punon ngushtë me të gjithë akterët relevant në ngritjen e vetëdijes dhe krijimin e ambienteve të sigurta dhe pa ndëshkim trupor për fëmijët me aftësi të kufizuara, në komunën e Prishtinës, Gjakovës, Mitrovicës dhe Ferizajt.

Për të përmbledhur rezultatet e arritura në mbrojtjen e fëmijëve përgjatë 5 viteve të implementimit të këtij projekti, HANDIKOS po kërkon një ekspert/kompani i/e cili/a do jetë përgjegjës/e për përpilimin e një raporti përmbledhës i cili pasqyron impaktin e HANDIKOS në fushën e mbrojtjes së fëmijëve si dhe ofron rekomandime në qëndrueshmërinë e rezultateve të arritura, duke përfshirë këtu edhe akterët të cilët kontribuan në arritjen e këtyre rezultateve si dhe në mbrojtjen e fëmijëve në përgjithësi.

Detyrat dhe përgjegjësitë:

- Analizimi i materialeve ekzistuese (Prill-Maj 2021)
- Realizimi i hulumtimit në terren me përfituesit e projektit (ofruesit e shërbimeve, prindërit, fëmijët etj.) (Maj 2021)
- Përgatitja e raportit me gjetjet kryesore dhe rekomandime (Maj 2021)

Kohëzgjatja dhe pritjet

Konsulenca është planifikuar të fillojë më 23 Prill 2021 deri më 1 Qershor 2021 me një angazhim prej pesë (5) ditë pune. Nga eksperti/kompania pritjet që drafti i parë i raportit të dorëzohet jo më larg se data 7 Maj 2021, ndërkaq drafti final të jetë i gatshëm më 24 Maj 2021.

Pagesa

Pagesa për konsulentin/grupin e konsulentëve do të bëhet sipas përfundimit të përgjegjësive të kontraktuara;

- 50% e pagesës do ekzekutohet pas dorëzimit të draftit të parë të raportit;
- 50% e pagesës do ekzekutohet pas dorëzimit të draftit final të raportit.

Kualifikimet dhe eksperiencia

Eksperti/kompania duhet të ketë:

- Diplomë Universitare në shkenca sociale, juridik apo fushë të ngjashme (e preferuar);
- Përvojë paraprake në shkrimin e raporteve me tematikë të ngjashme;
- Njohuri dhe përvojë në fushën e të drejtave të fëmijëve;
- Njohuri mbi mekanizmat e mbrojtjes së fëmijëve nga dhuna në familje;
- Njohuri të çështjes së aftësisë së kufizuar në kontekstin vendor;
- Shkathësi të larta hulumtuese në identifikimin e praktikave/modeleve të cilat përdoren në rajon dhe botë në këtë fushë;
- Shkathësi ndër personale dhe të komunikimit;
- Ndjeshmëri ndaj kontekstit dhe situatave të ndryshme me qasje të hapur ndaj diversitetit;

Aplikuesit duhet të dorëzojnë

- Një draft propozim mbi metodologjinë e punës për këtë angazhim, përfshirë koston financiare të kalkuluar për ditët e angazhimit;
- Një letër interesi që paraqet arsyet që ai/ajo është i/e përshtatshëm dhe ka njohuri dhe eksperiencë në fusha të ngjashme;
- Curriculum Vitae (CV);

Procedurat e aplikimit dhe selektimi

Aplikacionet duhet të dorëzohen në formë elektronike në handikos@handi-kos.org me subjektin *HK_CP Report_02*. Afati i fundit për dorëzimin e aplikacionit është 19/04/2021 23:59h.

Konsulenti/kompania do të përzgjidhet bazuar në përvojën paraprake relevante me fushën, aftësitë individuale dhe argumentuese për pozitën në fjalë, metodologjinë e propozuar si dhe arsyeshmërinë financiare.

Vetëm kandidatët e listës së ngushtë do të kontaktohen. Gjatë gjithë procesit nuk ofrohen informata me telefon.

HANDIKOS është e përkushtuar në promovim të diversitetit. Personat me aftësi të kufizuara; Rom apo minoritete etnike apo religjioze të tjera, si dhe personat me HIV inkurajohen të aplikojnë.